



TECHNO CABLE GROUP

Mamlakat:	O'ZBEKISTON
Loyiha ID raqami:	56408
Bildirishnoma turi:	XUSUSIY
Ekologik toifasi:	B
Tasdiqlanish sanasi:	22 iyul 2025
Qaysi bosqichdaligi:	Tadqiqot bosqichida, yakuniy ko'rib chiqish jarayonida
Ingliz tilida e'lon qilingan sana:	25 iyul 2025
	YTTBning Axborot olish imkoniyati to'g'risidagi yo'riqnomaning 1.4.2 (iii) bo'limiga muvofiq: "Direktorlar Kengashi tasdiqlash vakolatini Bank rahbariyatiga topshirgan holatlarda, Bank rahbariyati tomonidan tasdiqlangan loyihalar uchun Loyiha xulosa hujjati (PSD) Bankning a'zo mamlakatiga tegishli e'tirozsiz xabarnoma davri boshida, YTTBni tashkil etuvchi Bitimning 2-sahifasidagi 13-moddasi (iii) bandiga muvofiq oshkor qilinishi lozim".

Loyiha tafsifi

O'zbekistonda joylashgan mis va alyuminiy elektr kabellari ishlab chiqaruvchi QK Techno Cable Group MChJga 17,5 million AQSh dollarigacha kredit ajratish. Mablag'lar yangi kabel va boshqa kabel mahsulotlarini ishlab chiqarish uskunalarini

sotib olishni, shuningdek, kabel ishlab chiqarish uchun xom ashyo sotib olish uchun aylanma mablag'larni moliyalashtirishga yo'naltiriladi.

Loyiha maqsadi

Loyiha raqobatbardoshlikni oshirish va inson kapitalini rivojlantirishga qaratilgan. Bu o'sib borayotgan mahalliy talabni qondirish uchun kabel va sim ishlab chiqarishni kengaytirish imkonini beradi. Shu bilan bir qatorda, kompaniya mahalliy universitet bilan hamkorlikda mahalliy mehnat bozorida yetishmayotgan lavozimlarga yo'naltirilgan kompaniyaning ehtiyojlariga moslashtirilgan yangi o'quv dasturlarini taqdim etadi.

O'tish davri ta'siri

ETI (Kutilayotgan O'tish Ta'siri): 80

- **Raqobatbardoshlikni oshirish:** Kompaniya operatsion samaradorlikni oshiradi va ERP tizimini joriy etadi.
- **Inklyuziv:** Kompaniya ishchi kuchi uchun maqsadli treninglarni o'tkazish va amaliyot dasturini kengaytirish maqsadida mahalliy universitet bilan hamkorlikni rasmiylashtiradi. Mijoz haqida ma'lumot

Mijoz haqida ma'lumot

QK TECHNO CABLE GROUP MCHJ

QK Techno Cable Group MChJ 2013-yildan beri O'zbekistonda mis va alyuminiy elektr kabellari ishlab chiqarishga ixtisoslashgan. U O'zbekiston fuqarolariga tegishli va ular tomonidan boshqariladi.

YTTB moliyaviy ko'magi

17,500,000.00 AQSh dollari

Texnologik uskunar va aylanma mablag'larni sotib olish uchun kompaniyaga 17,5 million AQSh dollarigacha bo'lgan kredit quyidagilarga bo'lingan: 8,5 million AQSh dollari miqdoridagi transh va 9,0 million AQSh dollari miqdoridagi majburiy bo'lmagan transh.

Loyihaning umumiy qiymati:

19,500,000.00 AQSh dollari

Qo'shimchaliklar (Additionality)

YTTBning qo'shimchaligi faoliyati mahalliy bozorda mavjud bo'lmagan uzoq muddatli moliyalashtirishni taqdim etishdan, shuningdek inson kapitalini rivojlantirishdan iborat. Bu esa mahalliy universitetlar bilan hamkorlikda yangi o'quv dasturlarini ishlab chiqishni qo'llab-quvvatlovchi texnik yordam (TC) orqali amalga oshiriladi.

Ekologik va ijtimoiy xulosa

Loyiha B toifasiga kiritilgan (ESP 2024). Elektr kabellarini ishlab chiqarishni kengaytirish uchun uskunalar xaridi va aylanma mablag'larni moliyalashtirishga oid ekologik va ijtimoiy (E&S) xatarlar joyga xos bo'lib, tegishli yumshatuv choralarini qo'llash orqali boshqarilishi mumkin. E&S due-diligensi (ESDD) Bank tomonidan ichki tartibda amalga oshirilgan bo'lib, so'rovnoma va Kompaniya hujjatlari ko'rib chiqildi

Kompaniyada E&S boshqaruv tizimi mavjud va u ISO 14001, 9001 hamda 45001 standartlariga ega. Mazkur tizim ESR talablarini bajarish uchun yetarli salohiyatga ega. Mehnat va ish sharoitlarini boshqarish EBRDning 2-talabiga (ESR 2) mos keladi, xodimlar esa jamoaviy shartnoma bilan qamrab olingan. Kompaniya milliy ruxsatnoma talablariga rioya qiladi va yuqori emissiyaga ega uskunalardan foydalanmaydi. Korxona Toshkentdagi sanoat hududida joylashgan bo'lib, sezgir ta'sir ko'rsatishi mumkin bo'lgan obyektlar aniqlanmagan. Shunga qaramay, Kompaniyada jamoatchilik murojaatlari uchun mexanizm mavjud.

Kompaniya xodimlariga E&S masalalari bo'yicha muntazam o'quv dasturlari o'tkaziladi. Loyihaga tegishli uskunalardan xavfsiz foydalanish bo'yicha alohida o'quv dasturi Kompaniya bilan kelishilgan Ekologik va ijtimoiy harakatlar rejasi (ESAP) orqali majburiyat sifatida belgilangan. Kompaniya hozirda ishlab chiqarish jarayonida qo'llaniladigan va hosil bo'ladigan xavfli moddalarning hisobi yuritilmaydi, bu masala ESAPda tuzatish chorasi sifatida ko'rsatib o'tilgan. ESAPning boshqa bandleari almashtiriladigan uskunaning xavfsiz utilizatsiyasi hamda Tashqi Ijrochilar E&S talablariga rioya etish majburiyatlariga oid choralardan iborat.

Bank loyihani yillik ekologik va ijtimoiy hisobotlarni ko'rib chiqish va zarurat tug'ilganda obyektlarga tashrif buyurish orqali kuzatib boradi

Loyiha Parij Bitimi bo'yicha moslashuv va yumshatish maqsadlariga muvofiq deb topildi, chunki u jMBD universal muvofiqlashtirilgan faoliyatlar ro'yxatida mavjud. Loyiha Parij bitimining moslashuv maqsadlariga moslashtirilgan deb hisoblanadi, chunki loyiha hech qanday potentsial jiddiy jismoniy iqlim xavflariga duch kelmaydi. Loyiha o'zi faoliyat yuritadigan kengroq tizimning barqarorligini buzishi kutilmaydi. Loyihaning jismoniy iqlim (PC) xavf balli 1 ga teng. Loyiha mijozning kam uglerodli rivojlanishni qo'llab-quvvatlash bo'yicha faoliyatiga asoslangan Yashil moliyalashtirish yondashuviga mos keladi. Ushbu bitim uchun Yashil Moliyalashtirish ulushi 11% ni tashkil etadi va YTTBning Yashil Moliyalashtirish Metodologiyasiga muvofiq hisoblanadi.

Texnik hamkorlik va grantlarni moliyalashtirish

Texnik yordam mablag'lari quyidagilar uchun jalb qilindi: (i) Yaponiya-YTTB hamkorlik jamg'armasining huquqiy tekshiruvining bir qismi, (ii) Maxsus aksiyadorlar jamg'armasining (SSF) IFRS auditi va (iii) SSFning Raqamli transformatsiyani qo'llab-quvvatlash dasturi.

Kompaniya bilan aloqa uchun ma'lumotlar

Adkham Tojikhodjaev

info@tcg.uz

+998 71 209 8000

<https://tcg.uz>

O'zbekiston, Toshkent viloyati, Zangiota tumani, Yangi Jamiyat 3 Tor Ko'chasi, 24

PSD so'nggi marta yangilangan sana:

25 iyul 2025 yil

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon

yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#)dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning

ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi fribgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida fribgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com electron manzili orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonym tarzidagi xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin.

Loyihalar bilan bog'liq shikoyatlarni ko'rib chiqish mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning hisobdorlik mexanizmi ya'ni loyihalar bilan bog'liq shikoyatlarni ko'rib chiqish mexanizmi yordamida (IPAM) o'zlarining o'sha xavotirlarini bildirishlari mumkin.

Loyihalar bilan bog'liq shikoyatlarni ko'rib chiqish mexanizmi (IPAM), arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning vazifalari quyidagilardan iborat: - ekologik-ijtimoiy va axborotni oshkor etish bo'yicha muammolarni hal qilish uchun loyiha ishtirokchilari o'rtasidagi o'zaro aloqalarni o'rnatish va muloqotlarni olib borish; - Bank tomonidan ishlab chiqilgan [Ekologik va ijtimoiy siyosat](#) talablariga, shuningdek loyihaga oid tegishli [Axborotdan erkin foydalanish siyosati](#) qoidalariga rioya qilinishini baholash; - zarurat tug'ilganda, ushbu mezonlarga rioya qilmaslik holatlarini bartaraf etish, kelgusida Bank tomonidan ularni buzish holatlariga nisbatan ko'riladigan choralarini ko'zda tutish.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi veb saytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com elektron pochta orqali biz bilan bog'lanishingiz mumkin.